



27. august 2018

Inatsisartut Suleriaasianni § 37 imm. 1 naapertorlugu Naalackersuisunut apequt imaattoq matumuuna saqqummiuppara:

Naalackersuisunut apequtit:

- 1. Pisortat qanoq Illorsuit-ni Nuugaatsiamilu innuttaasusimasunik maanna sumi najugaqartinneqarnerannik nalunaarsuinikkut aaqiinuuppat?**
- 2. Pisortat innuttaasut pineqartut pillugit - allamut kingusinnerusukkullu nuuttoqarsimatillugu - nalunaarsuineq ataavartumik nutartertarpaat?**
- 3. Nunaqarfinit pingeqartuni innuttaasusimasut tamarmik saaffissamik ataatsimik saaffissaqarpat, paasissutissanik aallerfigisinnaasaminnik imaluuniit avitseqatigisinnaasaminnik?**
- 4. Pineqartut pillugit pilersaarutit aammalu iliuusissat pillugit paasissutissat allaganngorlugit tamatigut apuunneqartarpat?**
- 5. Allakkatigut paasissutissiineq atorneqangippat imaluuniit ajornakusoorangata apuunnissaat, qanoq pineqartut ilisimatinneqartarpat?**
- 6. Paasissutissat inummut aaliangersimasumut tunniussassat oqaasiinnakkut apuussineq kisiat atorlugu pineqartunut ilisimatitsisoqarnikuaa?**
(Inatsisartunut ilaasortaq Steen Lyngge, Demokraatit)

Tungavilersuut

Nuugaatsiami aammalu Illorsuit-ni innuttaasut tassaarsuarmik taaneqartumik nunaqarfiisa eqqorneqarnerisa kingorna innuttaasut allamut nuutsinneqarput. Nuugaatsiarmiussimasut aammalu Illorsuit-ni najugaqarsimasut ullumi amerlanersaat Uummannap illoqarfianut nuussimapput. Allallu nunaqarfinit nuussimallutik.

Nunaqarfigisaq pinartumik qimallugu nuuttariaqarneq innuttaasumut ilaqtanullu tamakkiisumik annertuumik kinguneqartarpoq, taamaammat pisariaqarpoq pisortat kiffartuussinerat ikiuinerallu pitsaasuullunilu, ersarissumik paasissutissiineq innuttaasunut apuutarnissaa.

Innuttaasut pineqartut inuunertik toqqissisimanartumik ingerlateqqissagunikku pisariaqartippaat, pitsaasumik sumik qanorlu periarfissaqarnerlutik ilisimatinneqartuarnissamik. Taamaammat pisariaqarpoq pisortat sullissinerminni pilersaarutik aammalu iliuusissat suuneranik ersarissumik pineqartunut allaganngorlugit apuussisarnissaat. Pineqartut qanoq pisinnaatitaaffeqarnerat pitsaasumik toqqamavissinneqassaguni, pisariaqarpoq paasissutissat allaganngorlugit tamatigut apuuttarnissaat. Taamaaliornikkut innuttaasup toqqissisimanartumik aammalu naatsorsuutigisinnaasaminnik toqqamavissinneqassaaq.

Qilanaarpunga apequtima piffissarititaasut ullut sulliviit qulit iluanni akineqarsinnaannut.